

## Beschreibung

Behemer landt gelegen/vnd fleuſt ob Meinz in den Rhein.

### Frieſlandt.

**F**rieſland einn Prouinz in Germania an dem meer gelegen/  
reycht von auffgang an Sachſen/ gegen dem mittag an die  
Weſtalen/Alles jr vermögen vnnnd reichtumb iſt an viber/  
es iſt ein eben land/ſeeig/vnd faſt weydreich/allda iſt mangel  
an holtz/sie enthalten dz feur mit leimigem waſen/vñ dören kütat/  
dabei ſie kochen/vnnnd ſich in der kelte auffenthalten.

Sie ſtraffen die hürerey hart/vnnnd geſtatten niemandt ein vnee-  
lichen beiſiz.

### Holand.

**S**toft gegen mitternacht an das meer/an andern orten in  
geſtalt einer Inſel zwischē den armē des Rheins eingefan-  
gen/von auffgang ann Frieſland/von mittag an Brabant  
von nidergang an Flandern grenzende/vnd iſt ein Seeigs  
vnnnd weydreichs land. Sie haben kein weinwachs. Diſ volck iſt  
mannlich/kün/schön von leib/starck/güt vonn ſitten/andechtig ge-  
gen Gott/trewe gegen den leuten vnnnd fridlich.

### Weſtalen vnd der Weſtalen gericht.

**D**iſ volck hat Carolus Magnus erſter zum glauben bezwon-  
genn. Als ſie nun ofte abfielen/vnnnd weder trew noch glau-  
ben hieltē/beſtellet er heimlich richter/die maniez Wiſſend  
nennt/das ſie ſolch glaubbrüchig leut ſoltenn on vorgeende  
gericht oder on klag frey vom leben zum todt/wie ſie wolten/richten  
vnnnd vmbungenn/zñ diſem erwelt er dapffer/der gerechtigkeit lieb  
habende leut.

Also abgeſchreckt/ ſie zulezſt im glauben blibenn/welches gericht  
noch bey etlichen biſ auff diſe vnſere zeit weret/heyſſenn Scabini/  
Teuſch Wiſſende.

Es ſeind heimlich richter/die das land durchlauſſenn/vnnnd die  
übelthetter merckenn/anklagen/vnnnd nachmals die ſchuldigen dar  
umb